



門著錄起丁未迄壬戌以類相從凡六百有五事
勒為二十卷或謂心傳曰子之是書固學者之所
宜究也况言人之善而不及其惡記人之功而不
錄其過是書之行於世也則宜雖然子以論著之
餘而紀見聞之故凡有所取則未及乎取者必以
為見遺凡有所揚則未及乎揚者必疑其見抑吾
懼夫兩端之怨詈將不得免子安用此其以賈禍
也可不慮哉心傳謝曰下國山野之人上而名鄉
才大夫下而巖穴幽棲之士其未之識者衆矣遠
而朝廷四方久而二萬七千八百四十有八旬之

華古齋鈔本

事其未聞與未知者亦不少矣事苟有所略人苟
有所遺蓋孤陋寡聞之罪非敢去取乎其聞也尋
有所得屢書不一書而后已可乎哉既以告人遂
筆其辭于編首嘉泰二年冬十月晦秀巖野人李
心傳伯微甫序

建炎以來朝野雜記序

心傳年十四五時侍先君子官行都頗得竊窺玉牒所藏

金匱石室之副退而過庭則獲剝聞名卿才大夫之議論每念

渡江以來紀載未備使

明君良臣名儒猛將之行事猶鬱而未彰至于七十年間兵戎材賦之源流禮樂制度之因革有司之傳徃徃失墜甚可惜也乃緝建炎至今朝野所聞之事凡不涉一時之利害與諸人之得失者分

臣許奕狀臣竊惟士有懷才抱藝遠莫能自致者
方清明之世顧使之終老無聞焉臣寔惜之臣伏
見隆州鄉貢進士李心傳博通羣書尤熟
本朝故事嘗謂

中興以來

明君良臣

豐功盛烈雖已見之

實錄等書而

南渡之初一時私家記錄往來傳聞失寔私意亂
真垂之方來何所考信于是纂輯科條編年紀載

萃古齋鈔本

專以日曆會要為本然後網羅天下放失舊聞可
信者取之可削者辨之可疑者缺之集眾說之長
酌繁簡之中久而成編名曰

建炎以來繫年要錄故兵部尚書楊輔前年蒙命
召嘗取其所錄

高宗皇帝一朝凡一百卷繕寫成五十冊欲以進
上會中道改除不果臣頃蒙

恩兼修

玉牒求得此書觀其所立凡例類多暗合綱目詳
備詞義嚴整足以備史官采擇兼心傳志行高潔

皇朝中興繫年要錄

宣取

高宗皇帝繫年要錄指揮

正奉大夫守吏部尚書兼修國史實錄院兼太子
詹事曾暖中奉大夫試尚書吏部侍郎兼同修國
史兼實錄院同修撰兼太子右庶子汪達朝請大
夫試太子詹事兼同修國史兼實錄院同修撰兼
秘書監戴溪朝請大夫權尚書禮部侍郎兼同修
國史兼實錄院同修撰兼太子左諭德兼權中書
舍人曾從龍朝散大夫新除軍器監兼國史院編

修官兼寔錄院檢討官兼禮部郎官黃景說朝奉
郎守起居郎兼國史院編修官兼實錄院檢討官
兼侍郎充賀金國生辰國信使黃中朝請大夫新
除起居舍人兼國史院編修官兼實錄院檢討官
兼樞中書舍人李揆朝請郎尚書吏部員外郎兼
國史院編修官兼實錄院檢討官錢文子承議郎
守軍器少監兼國史院編修官兼實錄院檢討官
兼國子司業陳武文林郎秘書省正字兼國史院
編修官兼實錄院檢討官兼莊文府教授陳貴謙
劄子暖等竊見太常博士李道傳之尤心傳哀次

華古齋鈔本

高宗皇帝一朝長編已繕寫成淨本未敢自擅投
進欲乞

朝廷特賜

敷奏令道傳繳

進仍乞降付國史院以備參照編修正史伏候指
揮嘉定三年九月二十八日奉
聖旨依

付出

高宗皇帝繫年要錄指揮

朝請郎顯模閣待制新潼川府路安撫使知瀘州

久棄場屋詎免舉不復就非近來上書進策僥覲
賞典之比實無一毫希望意臣謹昧死繳
進伏乞

睿慈

賜以

乙夜之覽仍

宣付史館豈惟心傳半生辛勤專一之功不遂泯
沒其於

一朝大典寔非小補所有上件

高宗皇帝繫年要錄五十冊謹隨狀上

華古齋鈔本

進以

聞干冒

天威臣下情無任震越皇懼之至謹錄奏

聞伏候

勅旨奉議郎太常博士臣李道傳狀奏准尚書省
劄子吏部尚書兼修國史實錄院修撰曾暖等劄
子竊見道傳兄之心傳哀次

高宗皇帝一朝長編已繕寫成淨本乞賜
敷奏令道傳繳

進仍乞降付國史院以備參照編修正史奉

漏申繳赴院不得因而騷擾仍出賞募人投
獻如稍多者乞從本院保明優與推賞今未
所修

正史 御集寶訓寔錄事體至重全藉搜
訪移文於內外官司取索但干合用文字參
照攢類其所承官司視爲文具不即依應是
致難以辦集候指揮七月二十八日奉
聖旨並依劄付院當院今訪聞隆州井研縣
李宗溥宅鄉貢進士李心傳住所述續
孝宗皇帝朝繫年要錄請

萃古齋鈔本

貴司移文行下隆州疾速賫紙札差人前去
李宗溥宅抄錄委官點對無差漏裝背成冊
申發赴院以憑參修照用若或續曾編類到
光宗皇帝朝繫年要錄一就抄錄赴院照用
勿請違滯須至公文

牒候到請遵從今降
聖旨指揮疾速移文行下抄錄前項所要文字裝
背成冊申發赴院守等參照使用幸勿違滯仍先
希依應公文回示謹牒

嘉定十六年九月

日牒

進止准批送禮部行下隆州索李心傳上件要錄
繳申尚書省

國史遵奉

聖旨指揮下轉運司抄錄

孝宗皇帝

光宗皇帝繫年要錄公牒

國史實錄院

牒成都府路轉運司

勘會本院恭奉

聖旨指揮改修

三朝正史

萃古齋鈔本

孝宗皇帝

光宗皇帝御集

光宗皇帝寶訓并改修

孝宗皇帝實錄並合要文武臣僚內侍士庶
之家及僧道等處應被受或收藏

聖語

聖訓

御製

御筆手詔註

解經義詩頌題跋雜文等照使內行在從本
院取索抄錄其臨安府及諸州軍款乞令諸
路轉運司嚴切遍下所管州軍縣鎮等處搜
訪如有被受之家借本抄錄委官點對無差

聖旨依臣今遵依
聖旨指揮所有上件

高宗皇帝一朝編年之書名繫年要錄計一百卷
修寫成五十冊謹隨狀上

進干冒

天威臣下情無任皇懼震越之至謹錄奏

聞伏候

勅旨貼黃臣照得新知瀘州許奕已曾繳奏上件
繫年要錄伏乞

睿照嘉定五年五月

日奉

萃古齋鈔本

聖旨降付國史院

朝省坐國史院劄子行下隆州取索

孝宗

光宗繫年要錄指揮

臣竊惟國家典章莫重史冊唐朱敬則初成藁史
見者推為董狐然敬則方請別求名才以重史選
張說就家修史李元紘謂史事秘嚴請令以書就
館參會撰錄然則史職至重名才難逢館閣纂修
事存國體以敬則有董狐之稱而猶有求才之請
則不逮敬則者蓋亦推賢而遜能以張說居通顯

之極而元佐必欲其就館纂修則匹夫之有志於斯者宜使輸能而來獻臣以謏聞幸逢盛世偶被采葑與聞汗簡伏准
近旨重修
孝宗皇帝
光宗皇帝實錄疊矩重規跡盛美如日月之昭明而莫窺其徑緯如海嶽之涵負而莫究其高深雖聖世多才宰司遴選人劇班馬家效沈吳其間如臣實為濫叨欵効遜能之義少輸報上之忠竊見隆州進士李心傳刻志前聞究心史學嘗著

華古齋鈔本

高宗繫年要錄見謂該詳繼聞探討
阜陵典章亦有端緒

累朝聞見會粹寔多苦心忘疲歷歲滋久若蒙聖朝兼收博採特下本州取其續成之書以備考訂誠網羅放失之意或令身自賫帶來獻

闕下俾諸史官參會譔錄恐於

兩朝大典必有補裨用敢僣言冒干

聰聽若心傳農馬之智得略效于

明時則微臣鷄特之羞亦少逃于訛議干犯

天威臣無任惶懼隕越之至取

建炎以來朝野雜記甲集目錄

卷之一

上德

后妃王主宗室附



高宗誕聖

孝宗誕聖

光宗誕聖

寧宗誕聖

壽康宮進香

孝宗諸孫

慶元育宗子

高宗恭儉

高宗聖學

孝宗聖考

二事

孝宗恭儉

昭慈聖獻孟皇后

顯仁韋皇后

仁懷朱皇后

萃古齋鈔本

朝請大夫起居舍人兼國史院編修官兼寔錄院
檢討官吳

中奉大夫行起居郎兼國子司業兼國史院編修
官兼實錄院檢討官喬

朝請郎試秘書少監兼權直學士院兼國史院編
修官兼實錄院檢討官徐

朝散大夫守太常少卿兼國史院編修官兼寔錄
院檢討官魏

朝奉大夫權尚書工部侍郎兼國子祭酒兼國史
院編修官兼實錄院檢討官葛

萃古齋鈔本

中大夫權尚書刑部侍郎兼同修國史兼實錄院
同修撰朱

朝請大夫權尚書兵部侍郎兼侍講兼同修國史
兼實錄院同修撰杜

中奉大夫權尚書吏部侍郎兼權中書舍人兼同
修國史兼實錄院同修撰程

大中大夫守尚書禮部侍郎兼中書舍人兼同修
國史兼實錄院同修撰胡

秀巖李氏所著

建炎以來朝野雜記乃

三朝繫年要錄之張本也

高廟一朝成書既久已為

金匱石室之藏

阜陵

宗陵之書述續有緒行上送

官學士大夫恨未之見也雜記甲乙二集總

四十卷其間

中天百年豐功盛烈與夫禮樂刑政之條目

萃古齋鈔本

典章制度之沿革兵戎食貨之源流莫不咸
在

三朝要錄之綱要實備於此

宣取指揮

史院文牒具著於右使引用者知是書之所

載皆已經

進之事實不復致疑焉

是書蜀都

李氏刊行已久今

依元本摹刻以廣其傳但其間有事涉忌
諱者不敢不隱幸鑒

憲節邢皇后

憲聖慈烈吳皇后

成穆郭皇后

成恭夏皇后

太皇謝太后

慈懿李皇后

恭淑韓皇后

中興奉親之禮

本朝母后宮名

英宗妃嬪

哲宗妃嬪

德壽妃嬪

重華妃嬪

壽康妃嬪

元懿太子

秀安僖王

崇憲靖王

莊文太子

魏惠憲王

邵悼肅王

兗冲惠王

華古齋鈔本

邠冲温王

郢冲美王

豫國公挺

吳興郡王柄

信王璩

秦魯國賢穆明懿大長公主

秦國康懿大長公主

和國長公主

隋國公主

嘉國公主

光宗三公主

郡縣主

偽親王公主

本朝宗室侍從

宗室狀元宏詞童子舉

三祖下宗室教

保州宗室

制作

八寶

三省樞密院印

虎符

入宮殿諸門號

禮神十二玉

景鐘

飲福金爵

五輅

七寶輦

渾天儀

紀元統元會元曆

統天曆

神宗 哲宗新寶錄

徽宗 欽宗 高宗 孝宗 光宗寶錄

四朝正史

萃古齋鈔本

紹興 乾道 淳熙 慶元勅令格式

淳熙事類

紹熙 淳熙 慶元寬恤詔令

兩朝聖政錄 中興禮書

續資治通鑑長編 九朝 東都 通略 事略

中興館閣書目 監本書籍

卷之五

朝事一 建炎至淳熙

高宗即位冊文 中興定都本末

褒錄元祐黨籍 籍紀宗觀姦邪

臨軒疏決

參政分治省事

修政局

經界法

籍記監司郡守

隆興臺諫

隆興和戰

孝宗革冗官

上書補官

乾道郊賜

孝宗總核名實

淳熙慶壽禮

大理獄非得旨不許送

理官宅

福建徑界

軍中承代敦減

淳熙減否郡守

徑延轉官裁省

役法總要

萃古齋鈔本

卷之六

朝事二

紹熙至嘉泰

道學興廢

學黨五十九人姓名

御筆禁言舊事

慶元罷減否

慶元減否縣令

紹熙許薦士嘉泰罷泛舉

執政子孫任祠官 姚次韓論奏讞

裕民五事

慶元緊要政目五十事

何自然論薦舉

祚德廟

郡國祖宗神御

昭慈永佑殯宮議

殯宮五使

昭慈永佑顯仁永思永阜永崇六殯宮

山陵非宰相護送

成恭成穆慈懿恭淑四殯宮

元懿太子殯所

莊文太子園

秀安僖王園

濮王秀王祠堂

永佑永猷喪制

卷之三

典禮

尊號

年號

華古齋鈔本

總論南巡後禮樂

恭謝

大朝會

親耕

視學

幸秘閣

大閱

燕射

北戎禮物

北使禮節

奉使出疆賞賚

崇義公

衍聖公

群臣家廟

神版祭器

列郡拜朔表

龍門賜雨具

百官肩輿蓋

教坊

卷之四

宗女奩具

宗室賜予

大宗正司兩外宗廢置

卷之二

郊廟

宮省祠觀陵寢附

南北郊明堂

郊丘明堂之費

當喪罷祭廟

太祖正東嚮之位

九廟七廟之制

太廟景靈宮天章閣欽先殿諸陵上宮祀

式

光堯廟號議

華古齋鈔本

高宗 孝宗 配饗功臣

中興祀典

渡江後郊廟宮省

今園丘

青城齋宮

京太廟

今太廟

景靈東西宮

今景靈宮

今大內

壽慈宮 大學臨安府 三省

秘書省

玉津園

睦親宅

莊文惠憲府 嘉王府

內中神御殿

萬壽觀

太一宮

佑聖觀

寧壽觀

延祥觀

顯應觀

中興講讀官節制 制科宰執數

詞科宰執數 狀元大拜數

父子祖孫兄弟狀元

父子兄弟賢良

狀元舉制科 狀元年三十以下數

狀元十年執政五年持橐人數

狀元三年執政省元二年持橐

狀元特任子 近臣舉御史

南班宗室及堂後官臺參事始

舍人引嫌不草制 舍人草內制

萃古齋鈔本

檢正讀錄黃 密白

給舍不許列銜奏事

禮官學士爭詔旨 官告式

前後官許服紅帶 紫衫

國郵服涼衫紫衫 渡江後賜墓碑額

大臣謚之極美者 定謚不許更易

渡江後改謚

卷之十

官制一 中朝官

丞相 總論建隆至乾道相名更易

陳子長築紹熙堰

卷之九

故事

潛藩州建軍府名 百官轉對

大臣賜書閣名 宰相生拜太師

親王生拜太師 建隆至嘉泰宰相數

中興宰相久任者 宰相位公孤封國

中興宰相封國數 一國封兩公

宰相追封王爵 中興諸將封王數

中興外戚封王數 高宗朝參政最多

華古齋鈔本

小兩制除執政 中興左揆數

本朝宰執父在恩數

國朝父子祖孫兄弟宰執數

渡江後父子兄弟建節數 三世四世五世建節

本朝未三十知制誥未四十拜相者

中興學士秉政者

渡江後學士每入三人者

國朝學士久任每入三人者 二事

父子兄弟入院數 西閣久次

非進士除內外制臺諫徑進史館事始

御營使

御營宿衛使

都督軍馬

同都督

都督行府

督視軍馬

制國用使

同知國用事

參知政事

樞密使

知樞密院事

樞密副使

簽書樞密院事

同簽書樞密院事

陞朝官除簽樞

樞密參用文武

張說本末

外戚典樞密

樞密院屬官

三省樞密院賞功司

拾遺補闕

直學士院

權直學士院
學士院權直

行宮直院
翰林權直

萃古齋鈔本

庶官兼侍講

翰林講讀學士

史館專官

陸務觀本末

提舉秘書省

提舉太史局

六院官

環衛官

內侍兩省

閣門

卷之十一

官制二

外路官

宣撫使

宣撫處置使

宣撫副使

宣撫判官

宣撫使官屬

招討使

監司郡守至官交割庫金

郡守銓量 嘉泰減奏薦

建炎至嘉泰申嚴賊史之禁

近歲堂部用闕 嘉泰禁私史

卷之七

時事

張魏公誅范瓊

處州義役 德興義役

卷之八

雜事

宇文肅愍死事

何文縝建元帥議

萃古齋鈔本

朝士投匭免知在 大臣奪情服慘

趙元鎮用伊川門人

鄭亨仲欲併掌利權

節度使以軍禮見宣撫

虞并甫長者 陳魯公鎮物

張魏公薦士 趙溫叔使北

韓子師折虜使 蘇文忠贈官

保任京官連 張敬夫遺表

王瞻叔與王時亨爭禮

郡守越境省親 奉祀汾陰寶

招撫使

招撫處置司

制置大使

制置使

宣諭制置使

宣諭使

撫諭使

鎮撫使

發運使

經制使

都轉運使

總領諸路財賦

館職馬總領

提點鑄錢

武臣提刑

提舉常平茶鹽

安撫使

馬步軍都總管

兵馬都鈐轄

諸制總領官

副都統制

華古齋鈔本

統制總領官

卷之十二

官制三

封爵官職功勳吏額

皇子除官例

親王贈官例

宗室兩鎮節度使

知大宗正事

宗室奉使

宗室知舉及任學官

三公備官

太師並除

文臣節度使

外戚節度使

恩舊節度使

宦官節度使

兩鎮三鎮節度使

兩國公主

兩國夫人

郡公不着開國字 執政為閣學士

庶官除次對 外官除次對

寄錄官分左右 中散大夫七樣錦

減年對使寔歷磨勘

選人改官額 奏舉京官

減舉吏員 館學改官例 改官須入

廣南攝官 官觀使 祠官供給

功號 檢校官

勲官

天聖至嘉泰四選人數

辛古齋鈔本

堂後官 省部樞密使吏額
州縣吏額

卷之十三

取士 選舉學校御飲酒

制科 軋道制科恩數 李仲信本末

制科六題 淳熙再試制科本末 博學宏詞科 試格恩例附

三歲取士 四科

類省試 國子監解試 南省試別試殿試

諸路解試 四川類省試官

宗室差試官 燈挾之禁

國初至紹熙天下歲收數

景祐慶曆紹興鹽酒稅絹數

兩浙歲入數 東南折帛錢

兩川畸零絹估錢 四川上供紬絹綾錦綺

兩川激賞絹 兩川綿估錢

兩川布估錢 廣西折布錢

總論國朝鹽筴 淮浙鹽

廣鹽 福建鹽

蜀鹽 蜀中官鹽

解鹽 礬

萃古齋鈔本

卷之十五

財賦二 常平義倉泛科市舶糧草料

常平苗役之制 耆戶長催錢

義倉 徑制錢

總制錢 徑總制錢額 廣西徑總制錢

四川徑總制錢 田契錢 王瞻叔括契本末

諸路同日解試

避親牒試

潛藩恩試

初入官人銓試

簾試
解律

試教官

試刑法

新科明法

覆試權要子弟

鎖廳人不為狀元

新進士期集

國朝三元

制策入三等

再舉
制科

新進士廷射

廷賜試燭

殿試詳定官別立等

諒闇罷殿試

四川類省試榜首恩數隆殺

華古齋鈔本

宗室鎖試遷官

武舉

換文

童子舉

三朝推
恩人數

秘書省讀書

童子賜出身

特奏名試

大學養士數

國子監試法

武學

釋褐狀元恩例

大學補試

蜀學

宗學

釋奠宗子侍祠

文宣王鎮圭

鄉飲酒

卷之十四

財賦一

天下財賦總目折帛監礬茶酒

三衙勦軍本末 紹興內外大軍數

乾道內外大軍數 關外軍馬錢糧數

四川廂禁民兵數 成都飛山軍威強將兵

利路義士 忠義人

興元良家子 忠義効用中軍勇敢

荆鄂義勇民兵 京西湖北義勇義士

淮南萬弩手 山水寨民兵

湖北土丁刀弩手

黎雅土丁 嘉定威茂土丁

龍州塞子弓箭手 湖南鄉社

萃古齋鈔本

廣右土丁 廣東保伍

夔路義軍 施黔敢勇義兵

瀘南夷義軍 公邊勝兵

福建保伍 殿前司左翼軍

殿前司推鋒軍 湖南飛虎軍

京西湖北神勁軍 淮東強勇軍

成都府義勇軍 雄邊軍

平江許浦水軍 江陰左翼推鋒延祥江上水軍

神勁神武忠勇忠銳忠武軍

赤心忠毅忠順強勇義勝軍

稱提錢

月椿錢

版帳錢

折佑錢

免行錢

趨引錢

身丁錢

僧道士免丁錢

田四廂錢

市舶司本息

祠部度牒

東南軍儲數

四川軍糧數

關上積糧數

行在諸軍馬草

關上諸軍馬料

都下馬料

淮浙東江沙田蘆場本末

卷之十六

財賦三

田幣

萃古齋鈔本

官田

省庄田

屯田

營田

關外營田

圩田

圭田

僧道常住田

金銀坑冶

銅鐵錫鉛坑冶

東南諸路鑄錢增損興廢本末

鑄錢諸監

紹興慶元推銅

川陝鑄銅

淮上鐵錢

東南會子

見錢閑子

湖北會子

兩淮會子

四川錢引

錢引兌監界

關外會子

鐵錢會子

卷之十七

財賦四

歲用倉庫戶口

國初至紹熙中都吏祿兵廩數

渡江後郊賞數 三司戶部公革

左藏庫 左藏南庫

左藏封樁庫 內藏庫 激賞庫

御前甲庫 三省樞密院激賞庫

合同憑由司 修內司

華古齋鈔本

國用司

權貨務都茶場

豐儲倉 外路積糧

淮東西湖廣總領所

四川總領所 二事

諸州軍資庫

公使庫 建炎紹興戶口數

四川元豐紹興淳熙戶口數

本朝視漢唐戶多丁少之弊

卷之十八

兵馬 戎器舟車

三衙廢渡 八字軍

御前諸軍 御營五軍五護軍

諸軍効用

川秦買馬

歲收茶帛數

廣馬

淮馬

三衙汧江諸軍取馬數

綱馬水陸路

廣中鹽易馬

孳生監牧

御前軍器所

器中物料所書劄重價直等附

四川作院

舟師戰車

卷之十九

邊防一

丁未至戊午

靖康建炎紹興大臣和戰守避說

萃古齋鈔本

十三處戰功

建炎三大戰

富平之役

二事

兀朮犯江淞

吳玠和尚原之勝

仙人關之勝

岳飛襄陽之勝

紹興失河南

韓世忠大儀之勝

楊存中藕塘之勝

卷之二十

邊防二

己未至乙酉

虜亮叛盟

虞丞相采石之勝

李寶膠西之勝

劉錡皂角林之勝

高宗建康東歸

癸未甲申和戰本末

果乃以 慈懿皇后外第為之會 光宗不欲遷
因以舊福寧殿為壽康宮而更建福寧殿 上之
在重華執喪也五日一朝于壽康時 光宗聖體
未平犹不得見慶元四年八月丙戌詔恭聞 上
皇聖躬悉已清復將率群臣詣宮上壽既而不克
行五年八月丙戌以重明節前十日 上初詣壽
康宮進香詔書降諸道流服以下囚釋杖以下京
官大父母父母年八十選臣小使臣大父母父母
年九十庶人百歲並與官封致仕官員即年八十
賜服三品餘官七十服緋綠及十年並改賜民有

華古齋鈔本

大父母父母年九十以上免身丁錢諸道贓賞錢
悉蠲之加賜行在諸軍如雪寒錢例宰輔皆進官
一等特進右丞相祈國公京鏜為少保封鄭國公
少傅保寧軍節度使萬國觀使韓侂胄為少保封
平原郡王 太皇太后弟保順軍節度使提舉神
祐觀謝淵為太尉 太上皇后姪昭信軍承宣使
知閣門事李孝友保信軍承宣使知閣門事李友
純並除節度使入內內侍省押班甘昺以兩官宣
力備竭忠勤特迁二官其餘次第行賞

孝宗諸孫

二月渡江幸杭州四月進幸江寧八月復幸臨安
十二月自明州幸海四年正月幸温州四年正月
進幸越州紹興二年正月又幸臨安四年十月又
進幸平江五年二月還臨安六年九月又幸平江
七年四月進幸建康八年三月復還臨安在位三
十六年建炎四年紹興三十二年遜位二十五年淳熙十四年十
月八日崩于德壽宮壽八十一十五年二月權殯
永思陵初年二十一遜位五十六

孝宗誕聖

孝宗紹統同道冠德昭功哲文神武聖成孝皇帝

華古齋鈔本

諱昉字元永高宗第二子建炎元年十月二十
二日生於嘉興府以其日為會慶節初名伯琮紹興二年
五月鞠于宮中三年二月除貴州防禦使名賜瑗
五年六月封建國公十二年正月進封普安郡王
三十年二月立為皇子封建王更名瑋四月賜字
元環三十一年十二月扈從幸建康府三十二年
二月還臨安五月立為皇太子更今諱六月十一
日受內禪即皇帝位在位二十七年隆興二年乾道九年淳熙十六
遜位五年紹熙五年六月九日崩於重華宮壽六
十八權殯永阜陵初年三十六遜位六十三

光宗誕聖

光宗憲仁聖哲慈孝皇帝諱惇 孝宗第三子母

曰 郭皇后紹興十七年九月四日生於藩邸 其以

日馬重 二十年二月授右監門衛率府副率三十

年五月轉榮州刺史三十二年九月封恭王乾道

七年二月立為皇太子四月領臨安尹九年四月

解尹事淳熙十四年十一月參決機務十五年正

月赴議事堂與宰執議事又詔每遇朝殿令侍立

十六年二月二日受內禪即皇帝位在位五年 昭

遜位六年慶元六年八月八日崩于壽康宮壽五 熙

華古齋鈔本

十四其年十二月權殯永崇陵

初年四十三 遜位四十八

寧宗誕聖

寧宗皇帝名擴 光宗第二子母曰 李皇后乾

道四年十月二十日生于恭王府 以其日為 瑞慶節 五年

十一月除右千牛衛大將軍淳熙五年十月封英

國公十二年二月進平陽郡王十六年五月封嘉

王紹熙五年七月五日 太皇太后聖旨就重華

宮即皇帝位 初年二 十七

壽康宮進香

上始受禪趙子直議以秘書省為泰安宮已而不

權場

建炎以來朝野雜記甲集目錄

華古齋鈔本

建炎以來朝野雜記甲集卷之一

上德

后妃王主宗室附



高宗聖誕

高宗受命中興全功至德聖神武文昭仁孝憲皇

宗諱構字德基徽宗第九子母曰韋太后大

觀元年五月二十夜生于宮中以其日為天中節八月封

蜀國公三年正月進廣平郡王宣和三年十二月

封康王靖康元年十一月被旨往河北金人軍前

議和閏月至相州除河北兵馬大元帥二年五月

朔即皇帝位于南京改元建炎十月幸揚州三年

克盡兩宮之奉乾道元年二月朔始從兩宮謁四
聖觀 上親扶 上皇上馬都人歡呼以為所未
嘗見此可謂以天下養矣

孝宗恭儉

淳熙中 上作翠寒于禁中以日本國松木為之
不施丹雘其白如象齒嘗召趙丞相雄王樞使淮
奏事堂下古松數十清風徐來 上曰松聲甚清

遠勝絲竹子瞻以風月為無盡藏信然

上雅敬蘇文忠居常

止稱于瞻或稱東坡

上又指殿東橋曰此去禁園無十數

步 朕遇花時亦未嘗往間遣人折數枝來觀爾

華古齋鈔本

苑中殿臺皆 太上時所為朕居常以竹沓覆設

太上未則撤之 太上至宮徘徊周覽每興依

然之歎頗訝其不雅飾也 上恭儉勤政蓋如此

昭慈聖獻孟皇后

昭慈聖獻孟皇后其洛州人眉州防禦使元之孫
也 哲宗在位 宣仁聖烈皇后以六禮聘之

宣仁崩后廢 哲宗崩 欽聖憲肅皇后共政後

為元祐皇后還居禁中 欽聖崩又廢靖康二年

冬 欽宗議尊為元祐皇太后時城已破命未及

宣張邦昌僭立冊為宋大后自外第入居西宮邦

之即命取其一以為御枕妃惶懼撤去自是六宮無復踰制者矣

高宗聖學

紹興末上嘗作損齋屏去玩好置經史古書其中以為燕坐之所上早年謂轉臣曰朕居宮中自有日課早閱章疏午後讀春秋史記夜讀尚書率以二鼓罷尤好左氏春秋每二十四日而讀一過胡康侯進春秋解上置之坐側甚愛重之又悉書六經刻石寘首善閣下及作損齋上亦老矣因自為之記刻石以賜近臣焉

萃古齋鈔本

孝宗聖孝

二事

辛巳歲上視師建康建王實從每早晚二頓必具上起居食飲狀及群臣進對中外關奏之事以達中宮逮還都隆慈出示其書盈篋上見之大喜

孝宗天資純孝初授禪高宗駕之德壽宮上步出祥曦殿門掖輦以行及宮門乃止翊日過宮屬天新雨泥淖被路上皇命邀乘輿至殿門上亟駐輦門外趨立庭下上皇嘉歎久之曰每見吾兒則喜不自勝隆興初上以兵連不解未

昌將還政先後 后為元祐皇后垂簾聽政 高宗即位加號隆祐太后先住杭州建炎三年苗傅劉正彥肆逆 后垂簾聽政賊平始正尊號曰皇太后 上事 太后如事母居同宮其秋 上將東巡命執政滕康權知三省樞密院事奉 后住洪州太廟神主天章閣神御偕行非軍旅錢穀除拜皆於簾前闕決舟過洛星寺六宮及後軍舟飄覆者數十惟 太后舟無虞其冬虜犯洪州 后幸虔州避寇衛兵皆潰虜追不及而還四年 上駐蹕會稽遣資政殿學士盧益奉 后還明年四

華古齋鈔本

月崩于行宮之西殿年五十九初謚昭慈獻烈已而改今謚云 后兄子忠厚字仁仲靖康初以承議郎知海州建炎初遷顯謨閣直學士明受撤簾除鎮漢軍節度使 后大祥拜使相封信安郡王累官少師判紹興平江建康府紹興十一年嘗為樞密使二十七年提舉秘書省薨

顯仁韋皇后

顯仁韋皇后開封人 高宗母也初入宮為御侍崇寧末封昌平郡君大觀初進婕妤宣和末累遷婉容 上出使進封龍德宮賢妃建炎元年遙尊

孝宗皇帝五孫莊文太子下曰豫國公梃槐惠憲
王下曰左千牛衛大將軍樞次吳興郡王柄光
宗皇帝下曰保寧節度使梃次寧宗梃樞梃皆
蚤卒寧宗四子其長者紹熙四年春生于嘉邸
時光宗已屬疾而子亦早夭故不及名既受禪
恭淑皇后生充冲惠王浚冲温王垣楊貴妃
生郢冲美王增皆不育吳興一子曰楚州團練使
孩生三歲而夭慶元五年四月追賜名贈官云

慶元育宗子

上既失充王戊午歲用高宗故事取燕王宮希

萃古齋鈔本

字行之子與原鞠之宮中已而連失郢郢二王庚
申冬遂以爲觀察使賜名曦云

高宗恭儉

高宗在維揚時每退朝即御殿旁一小閣垂簾獨
坐前設一素木案子上置筆硯盞闕四方章奏于
此閣內惟二小璫侍側凡巨璫若內夫人奏事
上悉出閣外視之御膳惟麩飯煎肉炊飯而已鎮
江守錢伯言嘗獻宣和所留器用其間有螺鈿椅
卓上惡其靡亟命于通衢毀之上晚年大劉
妃有寵恃恩驕侈盛夏以水晶飾足踏上偶見

仁懷朱皇后開封人武泰軍節度使伯材女 欽
宗元妃也政和末 徽宗臨軒備禮冊為皇太子
妃宣和七年十二月立為皇后追封伯材思平郡
王 后既北遷遂不知崩問慶元三年 憲聖慈
烈皇后崩朝論以后於 憲聖妯娌也明年乃選
上尊謚曰 仁懷以九月二十五日為大忌五年
十二月遂奉 仁懷 憲聖二后神御奉安于景
靈宮焉其族人今犹存

憲節邢皇后

憲節邢皇后祥符人世右職后嘉泰簡公煥女也

萃古齋鈔本

高宗在康邸宣和四年四月納之封嘉國夫人
靖康中 高宗使幹高不于河上 后留居蕃衍
宅逮虜退后泛兩宮北遷建炎初選冊為皇后擢
煥徽猷閣待制右諫議大夫衛膚敏殿中侍御史
張浚言 祖宗之法后族戚里不得任文資恐撓
法而干政 上納其言改煥光州觀察使著為令
紹興二年冬^煥疾病 上念之始拜 慶遠軍節度
使俄卒于臨安 上將臨奠而近臣有言乃止久
之追封安王十二年夏北境報后送 顯仁未歸
將壓境而以訃聞喪歸陪葬永佑陵淳熙末謚憲

節

憲聖慈烈吳皇后

憲聖慈烈吳皇后京師人也父近以
后貴卒官武翼郎後追封吳王
高宗在維揚后年十四入官少長封新興郡夫人
上自海道還進才人又進婉儀時
邢皇后在朔庭後宮惟后與張婉儀馬上列而
后讀書萬卷翰墨尤絕人繇是寵遇日至紹興十二年春張氏卒夏拜
后為貴妃秋
顯仁皇后来朝明年遂正位宮壺先是太后數以為言秦檜曰
太后有定命陛下奉行

華古齋鈔本

可也即率群臣上表于是降制
孝宗時累加號曰壽聖齊明廣慈備德太上皇后
光宗即位后當為太皇太后以
壽皇故廼更號曰壽聖皇太后紹興四年加號隆慈備福五年
后年八十上行慶壽之禮其秋
孝宗崩始正尊號云慶元元年加崇曰
壽聖隆慈備福光佑太皇太后三年冬十月
后屬疾丙申赦天下十一月庚子
后崩于慈福宮年八十三後四日郊裡禮成宣遺誥
皇帝服齊衰五月
上特出手詔服喪期年
后母儀四世吳氏王者二人節度使七人

為宣和皇后 顯肅崩問至上尊號曰皇太后紹
興九年 后有歸耗 上命有司豫作慈寧殿於
禁中遙上寶冊十二年七月 后自東平登舟九
月 上送于臨平普安郡王從 上見 后悲江
后聰明有遠慮每謂 上給使者不必分宜通用
之蓋分則自為彼我其間佞人希旨必肆間言自
古兩宮失懽未有不繇此者 后季弟淵性暴橫
不循法度 高宗以其不可近民恐居官有過難
以行法終不予官積十有餘年聞 后将入境乃
封平樂郡王今送于境上其後 后朝景靈宮淵

華古齋鈔本

見 后出言詆毀坐削官安置袁州已而追還之
十九年 后年七十正月朔 上即宮中行慶壽
之禮親屬皆迁官二十九年 上復行慶禮于慈
寧殿詔庶人年九十宗子女若貢士以上父母年
八十者悉官封之宰相沈該率百僚詣文德殿稱
賀國朝慶典自此始九月 后崩年八十權殯永
祐陵神主祔太廟韋氏至節度使者凡三人后姪
孫璞妹為魏惠憲王夫人紹熙初璞以司農卿除
煥章閣待制者以為不然遂換明州觀察使
仁懷朱皇后

從子琚字子居有吏才嘗為尚書郎部使者既乘旄猶為藩帥他外戚皆莫及焉

成穆郭皇后

成穆郭皇后 孝宗正配也曾祖若節西京左藏庫副使祖直卿奉直大夫父瑊以父任積官右朝散郎充秘閣修撰 上即位拜鄂州觀察使提舉萬壽觀明年遷昭慶軍承宣使卒追封榮王 后母淑國夫人宗室女也 上為普安郡王時聘之封咸寧夫郡人薨紹興三十二年五月追立為皇太子妃八月追冊為皇后以左僕射陳康伯為禮

華古齋鈔本

儀使初諡恭懷

孝宗嫌之改安穆及營阜陵更

今諡 后生四子一女莊文太子愔魏惠憲王愷

光宗皇帝即悼肅王恪恪與嘉國公主俱蚤薨

孝宗既受禪待郭氏恩禮甚隆然后弟師禹師

元淳熙中官不過承宣使 上不私戚里蓋如此

師元不及建節而卒 上將內禪師禹始除節度

使慶元中封廣陵郡王

后薨年三十一權殯于北山之修吉寺

成恭夏皇后 太皇謝太后

成恭夏皇后 太皇謝太后皆 孝宗繼配也

上在藩即福國郭夫人已薨 吳太后以夏翟二

美人賜 上寶 后閣侍御也時思平亦選賜兩人而普安恭儉好書不通散色 高宗賢之繇是定為嗣普安既為皇子明年二月癸亥詔封夏氏為齊安郡夫人翟氏為咸安郡夫人 上即位以夏氏為賢妃翟氏為婉容踰年 上皇手詔冊妃為皇后而拜婉容為貴妃乾道三年六月 后崩年三十一謚安恭 后既崩中宮虛位將十歲淳熙三年秋貴妃因侍 上過宮 上皇語 上曰大奇且與了却此段 上承命而退八月庚辰 上皇遣大璫張去為至都堂傳 旨立 翟貴妃

萃古齋鈔本

為 皇后明日午後執政奏事 皇后歸姓謝氏後五日召詞臣周必大對選德殿退而草制其詞有曰早從藩邸之游蓋稟庭闈之命又曰因乳保而依方進雖嘗從舊譜於汝南權源派而記謝安蓋遂復華宗於江左 后性恭儉既受冊內膳日進一羊力丐免及初供膳不敢先嘗復以進御故事當得兵船亦固辭服澣濯之衣有數年不易者 上嘗以諭輔臣且曰 本朝后妃却是多賢朕之修身齊家誠若無愧所少者功業未成耳十六年 上禪位上尊號曰壽成 孝宗崩稱皇太后

慶元初加號惠慈六年秋稱太皇太后夏執中者
安恭后弟也曾祖令吉為吉水簿因家江西其
父協客于袁州某寺生一子一女女少聰慧大闍
張去為所因納之宮中其後將正宮闈始命袁州
訪夏翁所在而翁亡矣有旨即瘞所為園寺且訪
其弟執中以聞

慈懿李皇后

慈懿李皇后安陽人父道為湖北帥有相師皇甫
坦者至其第道命諸女拜之其中女慈懿后也
皇甫見之驚曰此天下人母我奈何受其拜即人

華古齋鈔本

皆以為狂道心獨喜孝宗聞坦語即為恭王聘
之時莊文太子妃妹錢氏同選入宮中外皆心擬
錢氏而後定選隆興二年四月封崇國夫人郊
禮成進封定國乾道七年三月降制立為皇太子
妃淳熙十六年二月立為皇后紹熙五年七月稱
太上皇明年九月加號壽仁慶元六年六月崩
于壽康宮年五十六

恭淑韓皇后

恭淑韓皇后其先相州人司徒兼侍中魏忠獻王
琦六世孫也右諫議大夫省華生忠獻忠獻生尚

萬 皇太后萬五千 上皇太后五萬而重華宮
別給二萬焉

本朝母后宮名

本朝母后宮名萬安 明德李后 保慶 章惠楊后 慶壽 慈聖曹后

崇慶 宣仁聖烈高后 慈德 欽聖憲向后 聖瑞 欽成朱后 隆祐 賜慈聖獻孟后

崇恩 昭懷劉后 寧德 顯肅鄭后 慈寧 顯仁韋后 慈福 憲聖慈烈吳后 壽慈

壽成惠慈謝后

英宗妃嬪

張修容 英宗後宮也蓋溫成皇后從妹父克佐
宣徽南院使淮康寧節度使修容名位本微 哲

華古齋鈔本

宗即位自平昌郡君進封才人 徽宗立又進婕
妤至大觀初以八寶恩始進今秩建炎四年從衛
隆祐皇太后卒于慶州年七十八

哲宗妃嬪

慕容貴妃魏修容 哲宗後宮也初並為御侍崇
寧元年春慕容氏始封才人魏氏封昌平郡君大
觀元年夏魏氏亦封才人三年春並進封美人靖
康之難六宮皆北去惟 先朝嬪御得免乃建承
慶院以處之紹興三年夏以 昭慈聖獻皇后大
祥推恩並進婕妤好祿賜如式久之慕容氏進婉儀

書右僕射魏文定公忠彥忠彥生司農少卿治治
生資政殿學士簽書樞密院事吳元穆王肖胄肖
胄生益王洽洽生太尉寧遠軍節度使同鄉同鄉
生后實第二女也淳熙十二年 孝宗為平陽郡
王擇婦 后與其姊偕選入宮而 后當兩宮意
八月歸于邸第封新安郡夫人十六年三月封崇
國夫人 上受禪立為皇后慶元二年十月行冊
禮六年十一月崩年三十六明年葬于 慈懿皇
后殯宮之東廣教寺先一年同鄉已卒擢其子竑
為承宣使謚同鄉曰恭靖云 后曾季祖忻胄官

華古齋鈔本

為太傅封平原郡王最貴顯

中興奉親之禮

昭慈聖獻皇后在建康也有司月奉千緡而止
后生辰別奉緡錢萬時朝廷用度不給故其禮不
及承平時其後 顯仁后自北來歸歲奉錢二十

萬緡

月奉萬緡冬冬
寒食生辰倍之

帛二萬餘匹

生辰緡萬匹春
冬端午各三千

匹綾羅
二千匹

冬綿五千兩酒日一斗羊三牽

高宗在

德壽宮 孝宗命有司月供十萬緡 高宗以養
兵多費詔減其六萬及 孝宗在重華命月進三
萬緡而已 上受禪詔 太皇太后月奉緡錢二

魏氏進修容十三年冬修容卒婉儀少在宮中與
顯仁皇太后相厚及太后歸就慈寧之養十四
年冬上諭執政特拜婉容為賢妃制曰藻鑒精
明獨前知於聖母蘭心芳潔今娛侍于東朝二十
二年薨年八十贈貴妃

德壽妃嬪

潘賢妃張賢妃劉貴妃張貴妃高宗後宮也潘
氏家東都上在康邸納之生元懿太子及即位
將冊為后呂好問右丞諫以為不可乃以為賢妃
擢其叔父永思為帶御器械太子薨妃侍隆祐后

萃古齋鈔本

居江西紹興十八年薨張氏亦家東都建炎中為
才人紹興十年累遷婉儀十二年卒贈賢妃劉氏
臨安人父懋以恩至昭慶軍節度使妃紹興十年
入宮為紅霞帳十六年封才人轉婕妤妃婉容二十
四年春拜貴妃時有小劉氏者以紹興十七年入
宮轉宜春郡夫人二十三年封才人二十八年冬
進婕妤妃與婕妤皆有寵宮中號妃為大劉娘子
婕妤為小劉娘子三十一年秋婉儀坐事放歸其
家自便官告令有司毀抹淳熙十四年秋妃薨張
氏其先祥符人與宗室忠州防禦使伯驥有連初

有敬太子應時驚搐不止上命斬宮人于廡下
少頃太子薨年三歲

秀安僖王

崇憲靖王

秀安僖王 高宗元行也王名子偁 太祖少子
秦康惠王五世孫康惠王生英國公惟憲惟憲生
新興侯從郁從郁生華陰侯世將世將生東頭供
奉官令諱令諱生王第進士為嘉興丞 孝宗實
王第二子紹興二年五月既被選召王赴都堂審
察改宣左教即通判湖州俄除直秘閣賜五品服
建國公就傳迂左朝奉即充秘閣修撰知處州既

華古齋鈔本

對請奉祠詔給祿如郡守累朝官左朝奉大夫十
三年秋告老遂歿于秀州有司疑 普安所服十
四年正月詔侍從臺諫議之議者謂解官如宗室
南班故事 上曰始議養宗室子今子偁死若不
使之持服則非本朝典故乃贈王太子少師 普
安為皇太子內出詔書加贈王太師中書令進封
秀王謚安僖妻宜人張氏封王夫人 孝宗既受
禫不敢頌私親逮 光宗繼統而高廟几筵猶未
除故緩其事紹熙元年夏始詔即園立廟如濮王
仍班諱王長子伯圭字禹錫初以門蔭補官紹興

封永嘉郡夫人乾道六年封婉容淳熙七年進封
太上皇帝淑妃十六年進貴妃紹興元年薨紹興
中又有馮美人韓吳二才人皆寵幸後皆廢吳氏
名玉奴中宮近屬也三十二年夏浚故封淳熙末
又有李王二才人俱明艷 高宗愛之及上賓

憲聖每見之常愴 孝宗聞特許自便蓋非常制

云 德壽宮又有信安趙夫人咸寧蘭夫人平樂王
夫人咸寧耶夫人新興陳夫人富平孫夫人縉
雲蔡夫人南平張夫人齊安張夫人
人安定李夫人此十餘人並無品秩

重華妃嬪

蔡貴妃李賢妃張貴妃陳淑妃 孝宗後宮也蔡

萃古齋鈔本

氏初入宮為紅霞帔乾道二年封和義郡夫人淳
熙三年進婉容父霽歷帶御器械幹辦皇城司十
年秋以篤老拜宣州觀察使各拜婉容為貴妃十
二年秋薨李氏初入宮為典字淳熙三年冬轉通
義郡夫人七年冬為婕妤九年春生女不育明年
秋卒贈賢妃時李燾在 經筵因夜直嘗諫 上
以後宮寵幸多宮中妄費 上曰朕老矣安得此
般近惟葬李妃用三萬緡佗無費也張氏初為紅
霞帔封同安郡夫人進婕妤婉容十四年春拜為
妃陳氏初封新平郡夫人淳熙十二年冬進美人

十四年冬又進婉容紹熙元年春拜為妃 上在

位雖久後宮無寵幸著聞者 軋道中又有宜春韓夫人信安陳夫人淳熙

熙中有永寧劉夫人新平黃夫人南平關夫人永

陽王夫人平原黃夫人紹熙中有新安梁夫人高

平宋夫人信安傅夫人新安吳夫人齊安韓夫人

咸安吳夫人縉雲朱夫人此十四人無品秩之

壽康妃嬪

黃貴妃張貴妃武才人 光宗後宮也淳熙末

上在東宮旁無姬侍 高宗以和義郡夫人黃氏

賜之 黃氏淳熙六年十月二十四日封即夫人乃即位拜為妃紹熙二

年冬薨 上在齋宮聞之始得疑疾自後宗戚大

臣以薨卒聞者多不信矣張氏東宮舊人也初為

華古齋鈔本

紅霞帔 上受禪進婉儀慶元三年秋拜貴妃武

氏初封同安郡夫人紹熙五年春進封又有潘夫

人符夫人二張夫人並止郡封無品秩凡宮中之

制郡夫人已上始稱房院

元懿太子

元懿太子名粵 高宗後宮潘賢妃子也建炎元

年六月生于南都九月拜集慶軍節度使封魏國

公三年春苗傅劉正彥為逆以粵為皇帝改元明

受 上復辟立為皇太子其年秋薨于建康初太

子得疾未廖有金香鼎置于地宮人誤觸之仆地

二年九月拜雄武軍節度使開府儀同三司封慶
王乾道七年二月拜雄武保寧軍節度使判寧國
府進封魏王淳熙初來朝徙判明州易鎮永興德
七年二月薨於明州年三十五訃聞 上泣然曰
向未越不建儲者正為此子福氣差薄耳然亦
不料其如此之夭也詔刑部尚書謝廓然致弔兩
浙轉運副使韓彥質致其樞禮部侍郎齊慶胄護
葬 上服白羅袍素紗折上中祭哀於別殿壬性
寬慈 高宗尤所鍾愛 上雖以宗社大計出王
於外然心獨念之賚賜不絕焉子柄

華古齋鈔本

邵悼肅王

邵悼肅王恪早薨乾道二年九月追賜名贈淮康
軍節度使開府儀同三司

兗冲惠王

兗冲惠王垓 上第二子也慶元二年六月生
太皇太后詔禮部太常寺國史院討論典禮七月
丙戌德音降天下死罪囚釋流以下蠲臨安民元
年畸零之稅有曾大父母者免丁役錢二年戊子
流人呂祖儉徐誼等皆量移內郡戊戌 皇后曾
季祖侂胄除使相奉祠父同卿寧遠軍節度使母

安國夫人莊氏封兩國夫人兄族除直秘閣后閣
官吏皆進秩二等隨龍人一等礙正法者特遷之
未幾皇子得驚風病八月薨其生才四十七日追
賜名贈太師尚書令葬北山寶林寺

郇冲温王

郇冲温王坦慶元六年正月生二月德音降雜犯
死罪以下囚釋徒以下諸道贓賞錢蠲悉之加賜
三衙公江諸軍如雪寒錢例八月薨追賜名贈官
九月葬弥陀興福院

郇冲美王

華古齋鈔本

郇冲美王增慶元六年十二月生未幾薨

豫國公榘

豫國公榘以乾道元年六月生甫周晬除福州觀
察使封榮國公 祖宗以來累朝不見孫 欽宗
在東宮得子蔡京奏除節度使封榮國公王黼得
政以此事傾京言其以東宮比人主 徽宗入其
言降高州防禦使 孝宗為皇子莊文自選刺除
兵防實用此例至是 上受禪未久遂得嫡長孫
高宗聞之諭輔臣率百官稱賀既建儲遂封公
爵明年太子薨其母弟慶王 恭王皆奉朝請

未以右宣義郎通判明州 上受禫數月 上皇
有詔除集英殿修撰知台州稍遷侍制直學士歷
知明州積官朝奉大夫端明殿學士淳熙初始行
慶壽禮推恩中外 上皇令換節鉞遂拜安德軍
節度使數月加開府儀同三司九年秋遷少保封
萊陽郡王永思權贐為總護使十五年秋遷少傅
十六年夏遷少師始稱皇伯紹熙元年五月遷太
保封嗣秀王二年夏判太宗正事三年夏遷太師
永阜陵成除中書令辭不拜詔有司別議優崇之
禮乃除兩鎮節度使慶元中薨追封宗王謚憲靖

萃古齋鈔本

張夫人 孝宗母也 五世祖耆 仁宗朝樞密使
兼侍中 孝宗即位 上皇有旨夫人給內中請
給乾道三年三月薨于吳興訃聞輟視朝五日
上素衣成服于苑中稱皇伯母議者謂 高宗褒
崇之禮 壽皇謙抑之義前後兩盡可為萬世法
矣伯圭諸子初皆補京秩歷牧伯部使者紹熙後
並換南班長師叢今為使相

莊文太子

莊文太子初名愉紹興十六年用 祖宗總麻親
例補右內率府副率二十一年更名楷二十八年

除右監門衛大將軍榮州刺史三十年 孝宗為
皇子四月徵拜蘄州防禦使三十二年九月拜少
保永興軍節度使封鄧王乾道元年八月立為皇
太子初太子在藩邸喜作詩及升儲而諸王宮教
授黃石通面對論東宮不宜以諸文為學 上大
喜除校書郎仍不試 石字紀老永嘉人元年九月
入館十一月遷小著自此擢
用三年秋太子得傷暑病醫誤進藥疾遂劇乃急
召醫師王從先于福州 高宗 壽聖皆親至東
宮視疾 上憂懼為之赦天下後三日太子薨年
二十四禮部太常寺言故事無皇太子薨禮齊武

詳古齋鈔本

帝文惠太子薨有司奏御服期朝齊衰 三日六
宮不送服唐憲宗惠昭太子薨輟朝三日今倣古
制皇帝為太子服期以日易月十三日而除六宮
並不送服文武百官服衰服一日而除皇太子宮
僚服齊衰三月臨七日而除自舉哀至成服日皇
帝不視事比葬 上凡再至東宮命宰臣奉謚冊
小大祥皆以執政官行礼馬子槥楮

魏惠獻王

魏惠獻王愷以紹興十六年補右內率府副率三
十年轉右監門衛大軍四月除貴州團練使三十

師淪師潞初命皆武翼大夫稍迂遙刺師灝早卒
紹熙初詔師淳換南班師淪真除刺史師潞今以
通州團練使奉祠

秦魯國賢穆明懿大長公主

秦魯國賢穆明懿大長公主 仁宗第十女也母
曰周貴妃嘉祐中封永永壽公主 英宗即位進
榮國長公主 神宗朝進韓國大長公主 哲宗
朝改周國 徽宗朝進韓魏兩國政和三年閏四
月更封賢德懿行大長帝姬 高宗建炎初復為
公主改秦魯國降德陽郡王錢景臻魯祖曰吳越

華古齋鈔本

忠懿王祖曰樞密使英文僖公惟演父曰寶文閣
直學士暄二帝北狩主留居京師建炎二年冬朝
揚州兵時革未寧主與其家之閩中避狄紹興四
年夏再請朝詔居紹興府移台州七年秋入見上
禮之甚厚見必先揖十二年再朝慈寧宮其冬薨
于行在年八十三 上臨奠故事當舉哀成服時
以其慶之朝故不言但輟五日朝于忱紹興未終
少師瀘川軍節度使榮國公庶子惲德慶軍節度
使開府儀同三司提舉皇城司先忱卒忱子端禮
字處和乾道初參知政事終觀文殿學士謚惠肅

立以垂慈故見貴寵云柄蓋信安郡夫人卜氏所
生慶元初特加國號

信王

信王璩字潤夫 太祖七世孫也父子彥土初名
伯玖紹興四年夏鞠於禁中 憲聖慈烈皇后以
為己子六年正月賜名除和州防禦使九年三月
拜保大軍節度使封崇國公聽讀資善堂以朝臣
為贊讀十五年二月進封平郡王與普安繼就外
第號東西府以館職二員通兼兩王府教授自宗
藩並建道路切 頗有異言三十年三月拜王開

華古齋鈔本

府儀同三司判大宗正事出居紹興府人情始定
上命葺茶監司為府第俸賜悉以上供徑德錢
湖田米給之 孝宗受禪王入朝加拜少保徙節
靜江乾道七年省紹興府宗正司改王醴泉觀使
淳熙六年遷少傅十四年冬 高宗升遐王入朝
奔喪因得疾明年秋薨年五十九追封信王子師
淳師灝師淪師潞師淳才五歲初命為武翼大夫
榮州刺史乾道九年從王入侍祠遷忠州團練使
進永州防禦使淳熙七年冬詔以師淳年及二十
特進一階除在外宮觀給真俸師灝初命亦如之

端礼子象祖字同叔慶元末為兵部尚書出知建康府今以徽猷閣學士奉祠

秦國康懿大長公主

秦國康懿大長公主 哲宗第三女也降少保昭化軍節度使和國公潘正夫封韓國公主政和中改淑慎帝姬建炎初渡為吳國長公主紹興中避亂抵婺州八年夏入朝 上日具衣冠對之飲食十二年 顯仁后来歸主迎見于道十九年再朝行在遂居之三十二年 孝宗受禪進封秦國大長公主隆興二年秋薨主諸子皆為承宣使國朝

華古齋鈔本

故事公主子始命為武翼郎迂遙刺孫宣義郎曾孫承奉郎四世孫承務郎女封郡主孫女封恭人云

和國長公主

和國長公主 徽宗第二十女也母曰懿肅王貴妃政和三年夏封柔福公主尋改帝姬靖康二年春從駕北狩紹興十二年太母歸自北方言帝姬以去年夏死于五國城年二十九以其骨歸十三年追封

隋國公主

上遲回者數歲既而以恭王英武類已遂立之時虞雍公允文為相也初並文既除服槌與其母錢妃出居外第九年春薨贈武當軍節度使追封豫國公紹熙初上念莊文無主祭者乃以宗子希璿為之子賜名楛命為右千牛衛大將軍楛太祖九世孫也曾祖祖父皆不任祖宗時昭成太子皆天詔以近屬為之孫今立子蓋特命也

吳興郡王柄

吳興郡王柄淳熙四年生於明州始除右千牛衛大將軍魏王薨還居行在孝宗將禫位拜耀州

華古齋鈔本

觀察使封嘉國公故事親王之子初除小將軍七
遷為節度使 宣仁垂簾吳益王諸子例拜大將
軍遙郡刺史紹聖後不然 孝宗在御諸王子初
授亦大將軍而柄再遷封國公用優禮也 光宗
即位進永興軍承宣使封許國公久之又進封吳
興郡王命未出而止紹熙五年七月封徐國公慶
元元年三月復封王領昭慶軍節度使 憲聖慈
烈皇后復土遷開府儀同三司柄早慧 孝宗愛
之淳熙十二年始就傅以館職黃唐侃思為學官
慶元初制曰 孝皇憐早惠以鍾受 太上念特

坐謂上為兄孫對捍制使而無人臣之禮大不
恭十惡罪至死不赦詔決重杖處死益至獄不承
訊問乃伏法寺言益赦後制勘虛妄當罰金情重
奏裁詔除名昭州編管未行復釋之世榮積官常
軍承宣使奉祠至是改正追奪後以父任復為班
行軋道中特除閣門祇候江南兵馬都監云

本朝宗室侍從

本朝宗室侍從自宣和至嘉泰凡十九人 太祖

下今鏢寶文閣令諷戶部子崧端明殿子畫子直

子標並寶文閣子滿子厚戶部伯圭端明殿師

華古齋鈔本

訓工部師叢文閣師戶部太宗下不棄不流

善聖並工部不迹華文閣魏王下考中中書彥操

煥章閣彥逾工部尚書

宗室狀元宏詞童子舉

宗室為狀元者軋道初汝愚中宏詞科者淳熙初
考中中童子舉者慶元中崇禔三年六月己卯崇
禔以能誦六經免文解云

三祖下宗室數

宗正寺仙源類譜 太祖下德字行四人惟字行
八人從字守字行二十四人世字行一百二十九

隋國公主 徽宗第三十四女也靖康初封恭福
帝姬建炎三年薨追封

嘉國公主

光宗三公主

嘉國公主 孝宗長女也 孝宗二女次生五月
而天不及封嘉國紹興二十年四月用宗室總麻
親任節度使女例封碩人三十年封永嘉郡主明
年卒乾道二年追封 光宗三女長齊安郡主次
文安次和安皆早亡紹興元年冬追封為公主
郡縣主

自渡江以來未有王姬下嫁者偽福國長公主之

華古齋鈔本

適高世榮也奩具凡二十萬婚視承平時已殺

高宗無女 孝宗二女 光宗三女俱早薨紹興

十六年和王女樂平縣主^當出適時庶事草創乃

命太宗正司主婚淳熙十三年魏惠憲王女安康

郡主適羅氏 上命主執婦道如家人之禮賜甲

第居之又詔南庫給金五百兩銀三千兩為奩具

羅小校子名良臣以恩轉乘義即除閣門祗候後

十餘年卒於浙西總管

偽親王公主

靖康末天屬既已北去獨信王榛至河北逃歸馬

擴等奉王屯趙州五馬山寨。上聞以王為河外
兵馬都元帥，建炎二年秋，山寨為虜所破，王不知
存亡。建炎四年，上在會稽，有自虜中逃歸稱柔
福帝姬者，帝姬道君女莘王植同產也。詔宣政
使吳益內人吳心兒驗視，遂取入宮，封福國長公
主。下降永州防禦使高士榮。明年，有自稱徐王棣
者，知蕞州仁壽韓迪聞于朝。上遣國子監丞李
愿逆之，既至，審驗則云富順男子李悖也，遂坐誅。
時又有婦人自稱榮德帝姬，在東都嘗適曹晟，
荆南鎮撫使解潛以聞，按驗則婦人易氏也，亦杖

萃古齋鈔本

死。于是大理評事山陰石邦彥引唐代宗之言
上曰：吾寧受百欺，冀得一真。三年春，乃詔皇族有
脫虜來歸者，令州縣驗實，以聞，許推寶。顯仁后
來歸之歲，有入內醫官徐立中者，言柔福北遷適
其子，還而死。詔福國長公主顯屬詐冒，下大雜理
治大理言稱公主者，乃東都乾明寺尼李靜善也。
法寺當詐假官流二千里，冒諸俸賜計錢四十七
萬九千餘緡，為詐欺官私，以取財物，准盜論罪止
流三千里，節次入內起居，為闌入至御在所者，斬。
以上並該赦外，吳益被旨識認之時，善靜與益對

人令字行五百六十四人子字行一千二百五十
一人伯字行一千六百四十五人孝宗同師字行
一千四百九十人希字行一千一百四十人與字
行一百十人凡六千三百六十五人孟字行由字
行未見數 太宗下元字行九人允字行十九人
宗字行七十五人英宗同仲字行三百八十八人
士字行一千四百九十九人不字行二千一百三
十人善字行二千四百三十一人汝字行一千二
十二人崇字行四百十三人必字行十九人凡八
千有五人良字行友字行未見數 魏悼王下德

萃古齋鈔本

字行十人承字行三十二人克字行一百二十七
人叔字行五百六十一人之字行一千四百二十
五人公字行一千七百七十四人彥字行一千八
百二十四人夫字行一千六百六十六人時字行
二百五十三人若字行二十四人嗣字行未見數
其數見者凡七千二百九十六人以淳熙八年計
之三祖下合二萬一千六百六十有六人 英宗
子吳王益下孝字行十三人安字居字多字行皆
為南班官未見數淳熙初詔多字行之子連自字
紹熙初詔自字行之子連甫字 徽宗子棣華宅

三之一俾帛並減半四年六月己巳故事宗室近臣吉凶

皆有賜予紹興初以軍興財匱罷之六年正月己巳十一

年秋皇叔祖右監門衛大將軍仲岳卒于臨安至

無以歛判大宗正事齊安郡王士儂言於朝詔總

麻親任環列以上亡者賜錢三百千袒免減三之

一九月甲辰今以為例焉

大宗正司兩外宗廢置

本朝宗室皆聚於京師熙豐間始許居于外蔡京
為政因即河南應天置西南二敦宗院設宗官主
之靖康之禍在京宗室無得免者而雖雒二都得

華古齋鈔本

全建炎初上將南幸先徙諸宗室於江淮於是

大宗正司移江寧南外移鎮江西外移揚州九年八月

戊午明年春又移西外于泰州及高郵軍正月甲午三年

冬又移于福州而南外移泉州以避狄十二月甲午紹

興元年秋嗣濮王仲茂請合西南外宗正為一司

以省財用有司以泉州之財不許九月壬子是時兩外

宗子女婦合五百餘人歲費緡錢九萬南外三百四十九人

歲費錢六萬緡西外一百七十六人歲費錢約三萬緡紹興府宗正司紹者

興三年以行在未有居第權分宗子居之三十年

春恩平郡王出居會稽遂以為判大宗正事三月丙子

乾道七年虞丞相秉政言蜀中闕大宗正司上
欲移紹興府宗正司於成都五月既而不行但省
會稽一司而已今蜀中宗子甚衆既無親賢領之
但每州以行尊者一員檢察錢米請受由是徃
蹈於非彛而不可訓焉

建炎以來朝野雜記甲集卷之一

華古齋鈔本

建炎以來朝野雜記甲集卷之二

郊廟

官省祠觀陵寢附

南北郊明堂

自元豐分南北郊至政和乃克行之建炎二年
上祀圜丘獨祭上帝而配以太祖用元豐禮也
紹興十三年郊祀始設大神大示及太祖太
宗配位自天地至漢祀諸神凡七百七十有一蓋
元祐禮云明堂者仁宗皇祐中始行之其禮合
祭天地並配祖宗又設漢祀諸神如郊丘之數
政和七年既建明堂于內大自是歲以九月行之

諸王下連卿字卿字下連茂字茂字下連中字中
字下連孫字然棣華子孫自靖康以來皆隔異域
但遙為排連而已

保州宗室

保州宗室者翼祖皇帝後也建炎初隔絕紹興
九年渡江者數十人有官者四人而已上念之
詔注官如兩京例令廣字繼字夫字行者是也

宗女奩具

故事宗女適人皆內侍與有司主之熙寧後以昭
穆益踈乃給奩具祖宗元孫女五千百五世三

萃古齋鈔本

百五十千六世三百千七世二百五十千八世百
五十千紹熙七年冬詔元孫減五之一六世八世
減三之一五世七世減七之二已適而再行者各
減半然有司不時給宗女貧不能行多自稱不願
出適者三十二年惠靖襄王子子遊知南外宗正
事請於朝下泉州以徑德制司錢分給云

宗室賜予

建炎末上以天屬避地者少詔南班宗婦無子
孫食祿者稟給有差凡祖宗德麻親歲給錢九
十六千米三十六斛帛二十八匹袒免親錢米減

然獨祀上帝而配以神宗惟五帝從祀紹興元年上在會稽將行明堂禮命近臣議之王剛中居止為禮部郎官首建合祭之議宰相范覺民主之乃以常御殿為明堂但設天地祖宗四位而已四年始設從祀諸神七年復祀明堂而徽宗崩問已至中書舍人傅崧卿請增設道君太上皇帝配位于太宗之次禮部侍郎陳公輔言道君方在几筵未可配帝乃不行三十一年始宗祀徽宗于明堂以配上帝而祀五天帝五人帝于堂上五宮神于東廂罷從祀諸神位用熙寧禮也

華古齋鈔本

乾道以後說者以德壽宮為嫌止行郊禮淳熙六年用李仁父周子充議復行明堂之祭遂合祭並侑焉逮十四年高宗崩明年季秋乃用嚴父之典今郊禮從紹興明堂從皇祐維歲時常禮則以太祖配冬至園丘太宗配祈穀大雩高宗配明堂宗祀蓋尤延之為禮官時所請云

郊丘明堂之費

隆興二年孝宗初行大禮時湯慶公思退為左相上問郊與明堂之費如何戶部尚書韓仲通曰郊之費倍于明堂侍郎錢端禮言不過增二十

年明堂 孝宗未卒哭時趙汝愚朝獻景靈宮嗣
秀王伯圭朝饗太廟而上獨祀明堂慶元六年
上執光宗之喪甫踰月而當行大禮乃命右丞
相謝深甫款天興之祠嗣濮王不儔攝宗廟之祭
盖用紹興礼云

太祖正東嚮之位

國朝自太祖追王四親以來每遇禘祫
以昭穆相對而虛東嚮之位王介甫用事以爲
僖祖以上世次不可知則僖祖之有廟與后稷
疑無以異當時諸儒韓持國輩辨之不從熙寧八

萃古齋鈔本

年夏禘于太廟以尊 僖祖自是無敢議者紹興
五年八月董舍人奔馬吏部員外郎始請正 太
祖東嚮之位 上命防秋後議之明年春王侍郎
普爲太常丞復以爲請趙元鎮爲相白行之下侍
從臺諫礼官集議 上謂元鎮曰 太祖開臺創
業始受天命裕享居東嚮之位合於礼經必無異
議而諫官趙霈者乃謂 上皇在遠宗廟之事未
容輕議事遂止淳熙末尤延之尚書爲江西提刑
浚建此議紹熙初入爲宗伯遂申言之詔侍從臺
諫兩省與礼官同議其後亦不行時丘宗卿侍郎

則宰相率百官行香僧道士作法事而后妃六宮
皆亦從往天章閣以奉畫像時節朔望帝后生辰
日皆徧薦之內臣行事先孝思殿亦奉神御上
日焚香而諸陵之上宮亦有御容時節酌獻如天
章閣每歲寒食及十月朔宗室內臣各往朝拜春
秋二仲大璫行園陵季秋察御史檢視太廟之
祭以俎豆景靈宮用升盤而天章閣等以常饌用
家人之禮云迄今不改先堯之崩詔從官議廟號
洪景廬內翰請稱世祖從官多同之禮官顏魯師
尤哀鄭僑奏疏曰臣等切惟宗廟之制祖有功而

華古齋鈔本

宗有德創業垂統功莫大焉從體守文德莫茂焉
藝祖皇帝規制大業焉 宋太祖 太宗皇帝
混一區夏焉 宋太宗自 真宗至于 欽宗聖
聖相傳廟制一定萬世莫易仰惟 大行太上皇
帝宏濟多難紹開中興功德兼隆上比 太祖陛
下孝思罔極求所以盡尊親之意稱祖立廟有何
不可然在禮子為父屈示有尊也子雖齊聖不先
父食 大行太上皇帝親焉 徽宗之子子為祖
而父為宗則難以正尊卑昭穆之序今議者不過
光武為比 太上皇帝中興大業雖與光武同

萬若浚 祖宗故事一切從儉自宜有大減省
上以爲然乃詔除事神賞軍外並從省約會其秋
金虜入寇遂用明年正月辛亥朔旦行之 上自
宮祖郊乘玉輅用鹵簿之半禮畢乘平輦而歸軺
道三年再郊始浚備五輅歸用大安輦焉

當喪罷祭廟

自咸平以來人主有三年之喪則罷廟祭熙寧元
年郊祀 英宗喪未除然前二日猶朝獻景靈宮
前一日朝饗太廟元祐元年宗祀亦如之紹興七
年 上祀明堂于建康時 徽宗未祔廟太常少

華古齋鈔本

卿吳表臣奏行其禮翰林學士朱震以爲不然監
察御史趙渙言升祔以後宗廟常祭皆不當廢而
當喪享廟亦有題據左氏傳曰烝常禘於廟曾子
問曰已葬而此不當廢也詩頌成王 卽位諸候
助祭春秋文公四年十二月成風薨六年十月猶
朝于廟此顯據也疏奏詔侍從臺諫議者吏部
尚書孫近等十五人言按唐故事以皇帝將行郊
禮奏告太廟太清宮蓋告也非祭也 上從之三
十一年當宗祀其夏已聞 欽宗之喪禮部侍郎
金安節言宮廟皆當以大臣攝事亦不從紹熙五

在奉常亦以爲言而議終格逮趙子直得政遂決行之朱元晦侍講獨言僖宗皇家始祖不當一旦并行祧毀不從故昌陵祔廟踰二百年而後正太祖之位蓋自紹熙五年冬始而別建一殿以奉祧主于大殿之西今謂四祖殿者是也

九廟七廟之制

太廟自仁宗以來皆祀七世崇寧初蔡京秉政始取王肅說謂二祧在七世之外乃建九廟奉翼祖宣祖咸歸本室焉然王莽已崇九廟唐明皇又用之非始于蔡京也紹興中徽宗祔廟以

華古齋鈔本

與哲宗同爲一世故無所祧及升祔欽宗始

祧翼祖高宗與欽宗同爲一世亦不祧由

是淳熙末年太廟祀九世十二室及阜陵復土趙子直爲政遂祧僖宣二祖而祔孝宗時朱元

晦在徑筵獨以九廟爲正子直不從元晦議遂格及光宗祔廟復不祧今又祀九世矣

太廟景靈宮天章閣欽先殿諸陵上宮祀式國朝宗廟之制太廟以奉神主一歲五享朔祭而月薦新五享以宗室諸王朔祭以太常卿行事景靈宮以奉塑像歲四孟饗上親行之帝后大忌

其說必欲易之於是從官宇文价洪邁韓彥質葉
翥劉國瑞王信李嶽謝諤吳琚章森諫官謝諤禮
官顏師魯黃黼倪思張體仁沈鑑等同奏聖字乃
契丹隆緒廟號恐難用又謚法雖有堯字乃後人
採取傳會之說而北虜亦有名宗堯者斷不可用
惟高字或光字為宜栗又固爭以堯字為可用太
常少卿尤袤奏曰昔曹操朱溫皆號太祖本朝太
祖用之不嫌者名寔所在自有定論也堯乃古帝
名不可單用為號烈宗則劉聰楊渥僭偽之主皆
嘗用之光宗雖若可用然字體太輕士庶名字多

萃古齋鈔本

或用之于是有請稱藝祖者以為種藝之藝建立
天地開植宗社滋養萬物傳之無窮皆藝也大臣
主之復下侍從臺諫兩省禮官議者皆謂孔安
國注舜典云藝者文也書之取義止於如此又經
典中有才藝技藝與藝成而下之文可以為重可
以為輕况施之于祖犹有可據施之於宗則失之
牽合臣等謂極天下之美而前世未用者莫如大
之一字易曰大哉乾元語曰大哉堯之為君大之
為義其廣如此請號曰太宗於是內出詔曰堯字
載於謚法唐高祖亦謚神堯用為廟號似亦無嫌

然漢自高祖至于平帝國統中絕光武以長沙王
之後起于布衣之中不與哀平相為從承其稱祖
無嫌者一也漢制每帝即位輒立一廟不列昭穆
故明帝更為光武立廟號為世祖廟蓋不與高祖
為一其稱祖無嫌者二也 大行太上皇帝功德
盛大禮當尊崇然寔從 徽宗之正統以子從父
非若光武比也本廟參稽三代之制列昭穆於太
廟非若漢世可以更為廟也仰惟 大行太上皇
帝孝悌之至冠于百王將來祔廟若在父廟之下
而稱祖竊恐在天之靈有所不安若更為廟如東

華古齋鈔本

漢則國朝之制豈容違戾質之典 禮則不合驗
之人情則不順夫昭穆尊卑之序所以闡綱常係
事体者甚大豈易輕變乞以臣等此章付集議所
參稽禮經博采眾論施行從之遂定為 高宗矣

光堯廟號議

初 光堯廟未定殿中侍御史冷世光監察御史
吳博古黃謙共議謂宜稱聖宗權兵部侍郎林栗
又議宜存尊號中十六字而益以聖神光孝四字
廟號堯宗詔侍從臺諫兩省禮官同議時栗奏又
謂唐高宗有尊后國祚幾危非所宜比皇太后聞

可今議定聞奏禮部太常寺奏堯舜乃二帝之名
唐高祖謚神堯太上皇帝尊號光堯猶曰比德于
堯而又過之爾乃今獨取堯之一字以爲廟號有
所未安 本朝開基中興皆在商丘國號 大宋
則今擬廟號獨取乎商之高宗實爲有證詔從初
議遂定爲高宗方群臣之集議也又有欲稱成宗
者袁曰此吳越錢元瓘偽號也議者乃止其後壽
康升祔遂號爲光宗云

高宗

孝宗配饗功臣

祖宗故事大臣配饗皆祔廟後議之若趙韓王曹

華古齋鈔本

秦王之配享

太祖蓋

真宗咸平時而韓魏王

曾魯公之配享

英宗皆其身薨日降制亦在祔

廟十數年後永思陵復土翰林學士洪邁言 聖

神武文憲孝皇帝祔廟有期所有配食臣僚先期

議定臣兩蒙宣諭欲用文武各兩人文臣故宰相

贈太師秦國公謚忠穆呂頤浩特進觀文殿大學

士謚忠簡趙鼎武太師斬王 謚 忠武韓世忠太

師魯王謚忠烈張俊此四人皆一時名將相合于

天下公論望付侍臣詳議以聞議者皆以爲宜遂

從之秘書少監楊萬里獨謂張丞相後不與配食

為非宜爭之不能因補外去國焉 孝宗既祔廟
詔以故相陳康伯侑食寶文閣待制吳摠上書請
以其父璘配饗廟庭不報

中興祀典

中興祀典冬至園丘夏至皇地祇太祖孟春祈穀

孟夏雩祀神州地祇並本配季秋地祇明堂淳熙十年閏

五月改感生帝傳祖配已上高禘青帝配以伏朝

日大明夕日夜九宮貴神太一攝提權主搖招天熒

惑商丘宣太社太稷土正出火納火祀大辰商丘

配王蜡祭東蜡大明配以農南蜡神農無配北蜡神農配以

華古齋鈔本

五方嶽鎮無配四海四瀆無配風雨雷師無配先農神農

先蠶先至聖文宣王充國公昭烈武成王留侯祚德

廟強濟公英畧

渡江後郊廟官省

紹興四年 高祖在平江將還臨安始命有司建

太廟十二年和議成乃作太社太稷皇后廟都亭

郵太學三年築園丘景靈宮高禘壇秘書省十五

年作內中神御殿十六年廣太廟建武學十七年

作玉津園太一宮萬壽觀十八年築九宮貴神壇

十九年建太廟齋殿二十年作玉牒所二十二年

于東夾室為室既隘神帳祭器至不能容乃皆裁
削其制論者非之逮崇寧始改

今太廟

今太廟紹興四年創始 高宗在揚州寓 祖宗
神主于壽寧寺己酉南渡太常少卿季陵遣親事
官員神主以行虜人驅之遂失 太祖神主後朝
廷以重賞求之 上自海道還神主留温州久之
江端友為礼官請建太廟止殿七楹分為十三室
祖宗十一
室二夾室 七年夏更築太廟于建康以臨安太廟
為 聖祖殿十二月復奉神主還臨安十六年新

華古齋鈔本

祭器將成而太廟室隘至不能陳列巫端明仍請
增建太廟從之於是從西增六楹通舊十二楹每
楹為一室東西二楹為夾室又作西神門冊寶殿
祭器庫

景靈東西宮

祖宗以來 帝后神御皆寓道釋之館 神宗元
豐中始倣漢原廟之廟即景靈宮之東西為六殿
每殿皆有館御前殿以奉 宣祖以下御容而後
殿以奉母后各楬以美名 徽宗崇寧初以景靈
無隙地乃於馳道之西立西宮以 神宗為館御

作左藏庫南省倉二十五年建執政府二十六年
築兩相第太醫局二十七年建尚書六部大閱所
凡定都二十年而郊廟宮省始備焉

今園丘

青城齋宮

今園丘在龍華寺之西壇四城上成縱橫七丈下
成二十二丈分三十陛陛七十二級壇及內壇凡
九十步中壇外壇共二十五步紹興十三年楊存
中領殿前司所築也東都舊有青城齋宮渡江後
以幕屋筱縛為之每郊費緡錢十餘萬淳熙末張
端明杓為京尹始議築齋宮可一勞而永逸上

萃古齋鈔本

從之宇文寶學介時為兵部尚書因宿直奏曰
陛下方徑畧河南今築青城是無中原意也上
以為然亟命罷役

京太廟

京太廟舊十六楹其十四楹為七室東西二楹為
夾室康定元年冬直秘閣趙希言請倣古制每主
為一廟一寢或未能然則更立祧廟事下禮官宋
子京等言晉宋以來多同殿異室祖宗至今行
之已久遂不從及哲宗祔廟七室已滿信祖太
宗李邦直議父子曰世兄弟曰及乃祔祖至神哲宗主

今大內舊杭州州治也紹興初高宗自越復還
臨安命有司裁為行宮百楹而已時內侍楊公弼
董其事欲增為三楹上不可而止蓋上日所
御殿茅屋才三楹九年秦丞相用事始作慈寧宮
十二年和議成因作崇政殿垂拱殿十八年乃名
皇城南門曰麗正北門曰和寧二十四年建天章
等六閣二十八年增築皇城東南之外城于是時
禁中已復營祥曦福寧等殿苑中有澄碧觀堂凌
虛閣等而上又自作復古殿損齋實所常御也
孝宗乾道初作選德殿淳熙中作翠寒堂今壽

華古齋鈔本

慈宮舊秦檜宅也故為德壽宮今太學舊岳飛宅
也今三省樞密院舊顯寧寺今臨安府舊祥符寺

秘書省

秘書省在天井巷東紹興十三年創以殿前司寨
為之中有殿曰右文淳熙中陳叔進樞密為秘書
少監始葺廣之後園頗華麗紹興末趙子直欲以
為泰安宮會上皇不欲乃遷止

玉津園

玉津園紹興十七年建明平虜使蕭秉溫來賀天
申節始燕射於是園乾道淳熙間初復燕射飲餞

首 哲宗次之號舊宮為景靈東宮建炎改元之
二日即命有司建景靈宮於江寧 帝后異殿然
不克成渡江後自 聖祖已下神御皆寓温州天
慶宮以祠部郎官兼知州若官使相則兼景靈宮
使典奉神御趙忠簡為相議築宮臨安以奉 祖
宗神御而留 聖祖於東嘉後不果紹興十三年
二月始遷于臨安然但通為三殿以奉 聖容無
復東都之制矣或者謂忠簡之議乃王沂公藏天
書之意

今景靈宮

華古齋鈔本

今景靈宮在新莊橋之西本劉光世則第也初築
三殿 聖祖居前 宣祖至 徽宗居中元天大
聖后與 祖宗諸后居後掌宮內侍七人道士十
人吏卒二百七十六人上元結燈樓寒食設鞦韆
七夕設摩睺羅蘆幙歲一易歲用酌獻二百四十
羊凡 帝后忌辰通用僧道士四七人作法事十
八年增建道院二十一年韓世忠卒九月又以其
賜第增築之天興殿五楹中殿七楹後殿十有七
楹齋殿進食殿皆備焉期年而畢

今大內

壽慈宮

三省

臨安府

侍二人道士十一人吏卒一百五十五人道士歲費縣官錢七百九十二千米百有二十斛紹興十七年建

太乙宮

太乙宮以紹興十七年建明年宮成凡一百七十

楹分六殿大殿曰靈休奉十神太挾殿曰瓊章寶

室藏殿別殿四曰介福上本命殿金闕寥陽三清明離火德真君

齋明殿齋兩廡繪三皇帝五至里城星官凡一百九

十五每歲四立日以邊豆祠之用素饌火禁依皇

城法士民許即道院設道場品官聽升殿宮成以

華古齋鈔本

秦太師為奉安太乙使翊日 上親詣職事官寺

監簿在京釐務官通直即已上皆立班道士官給

糧歲為五百斛其后又詔市嘉興田三十頃以為

道糧宮後小坡上有亭曰武林竹柏周遭頗清絕

孝宗受禪增建本命殿曰崇禧 光宗受禪遷介福像于挾屋而名新殿為崇福

佑聖觀

佑聖觀 孝宗舊邸也壁間有 上少年時所題

云富貴必從勤苦得男兒須讀五車書至今以碧

紗籠寶藏之淳熙三年初建以奉佑聖真武靈應真君十二月落成或曰真武像蓋省

容也 上御

寧壽觀

寧壽觀在七寶山之上舊名三茅堂有徽宗御
畫茅真君像紹興二十年賜額觀後林內下瞰大
內之宮中樓殿皆髣髴可見今為禁地

延祥觀

延祥觀紹興十四年建以奉四聖真君初靖康末
上自康邸兆使將就馬小婢招兒見四金甲人
各執弓劍以衛上指示眾皆云不見顯仁后聞
之曰我事四聖香火甚謹必其陰助及陷虜中每
夕夜深必四十拜及曹勛南歸后令奏上宜加

華古齋鈔本

崇奉以答景貺云觀今在西湖上極壯麗其像以
沉香斲之修膳之費皆出慈寧宮有司不與矣

顯應觀

顯應觀紹興十七年建以奉礪州崔府君在西湖
之東岸昔高宗靖康北使至礪州而還建炎初
秀王夫人夢神人自稱崔府君擁一羊謂之曰以
此為識已而有娠遂產孝宗亦異矣

崔府君東漢崔瑗也

封嘉應侯

祚德廟

祚德廟始熙寧間神宗未有聖嗣故吳居厚請

為之紹興十六年四月立於臨安六月詔成信侯
程嬰增忠節忠智侯公孫杼白增通男義成侯韓
厥增忠定時國嗣未建故祠之且升為中祀後又
封為公是歲監察御史石棣王鉉因請行親祠高
禱之禮八月改築高禱壇于園丘之東高咫尺而廣
五倍十七年二月以秦丞相為親祠使丁未上
親祀青帝于壇以伏羲高辛配又祀簡狄姜嫄於
壇下牲用太牢玉用青幣放其玉之色樂舞如園
丘之制

郡國廟祖宗神御

萃古齋鈔本

郡國廟國朝惟祖宗所嘗幸則有之建炎初虜
圍西京急留守孫昭遠遣其將王仔奉啟運宮神
御間道走揚州遷於福州而永安軍會聖宮揚
州章武殿之御容則遷於溫州天慶觀紹興十三
年復奉溫州神御還臨安奉安于萬壽觀之後殿
惟啟運留福州以守臣提舉成都府新繁縣卸容
殿者始在重光寺藥師院雍熙間僧道輝畫太
祖皇帝御容於佛屋之後壁熙寧六年趙清獻為
成都守請建殿奉安神宗不許但令設板屋欄
楯以扃護之元豐七年走馬承受趙選者更其奏

親王皆以為講禮之所後又有德壽宮東園集芳園
太上皇后下天竺御園

睦親宅

莊文惠憲府

嘉王府

東都故事宗室子皆築大舍聚居之 太祖 太宗九王後曰睦親王後曰廣親 英宗二王曰親賢 神宗五王曰棣華 徽宗諸王曰蕃衍渡江後宗子始散居郡邑惟親賢子孫為近屬則聚居之 考宗子四人即悼肅王無後莊文太子魏惠憲王早薨莊文之妃惠憲之夫人皆別居賜第初莊文既大祥議者欲皇孫居于外或以為不可又

華古齋鈔本

踰年竟以知樞密院府為外第為紹熙初今上封嘉王將以所籍富民裴氏之居為府第而議者以為非宜乃改築蓋自紹興以來天屬鮮少故不復賜宅名云

內中神御殿

內中神御殿東都舊有之號欽先孝思殿紹興十五年秋始創在崇政殿之東凡朔望節序生辰上皆親酌獻行香蓋用家人禮也

萬壽觀

萬壽觀以奉皇帝本命星官大殿曰純福掌觀內

初營佑陵 顯肅皇后同穴後以 顯仁祔之
憲節皇后陪葬于佑陵故永思獨以 憲聖祔
孝宗在藩邸 成穆已殯于臨安府南山之修吉
寺乾道初 成恭歿因葬其東 慈懿皇后殯宮
又在成穆之東神穴深九尺紅圍裡方二十有五
步用 成恭例也 恭淑皇后殯宮在 慈懿之
東廣教寺

元懿太子殯所

元懿太子殯所在建康府城中鐵塔寺法堂西偏
之小室無守者蓋時方巡幸庶事草創故也

華古齋鈔本

莊文太子園

莊文太子園在臨安府寶林院法堂內初議以南
山淨慈寺為之王日儼儼時為給事中言其高明
顯敞與安穆安恭事體為不稱遂改用寶林焉

秀安僖王園

濮王秀王祠堂

秀安僖王園在湖州府城外之菁山紹熙元年八
月詔營廟于園之正北三間二厦神門檀星門各
座一神厨齋館随地之宜又作祠堂于臨安府檀
星門一座朝門祠堂後堂各三間挾室兩間歇泊
位庫屋巡防從人屋等又共為七十三間廟以藏

村十二年徽宗梓宮將還宰相秦檜日令侍從
臺諫禮官赴尚書省集議靈駕既還當崇奉陵寢
或稱殯宮禮部員外郎眉山程敦厚希檜意獨上
奏言仍殯宮之舊稱則莫能示通和之大信而用
因山之正典則若以存本之後圖臣以爲宜勿徇
虛名而當示大信于是議者工部尚書莫將等乃
言太史稱歲中不利大葬用請明德皇后故事權
殯許之議狀遠引明德而近捨昭慈似有所
避也其後高宗遺詔亦稱殯宮訖今遂循故事
殯宮五使

華古齋鈔本

昭慈之喪以同知樞密院事李回爲總護使刑部
尚書胡直孺爲橋道頓遞使神武左軍都統制韓
世忠爲總管內侍楊公弼爲都監調三衙神武輜
重越州卒三千百人穿浚土不置五使永佑顯
仁亦如之高宗山陵始備五使如典禮
昭慈永佑顯仁永思阜永崇六殯宮
錫置都監巡檢各一員衛卒百人生日忌辰旦望
節序排辦如天章閣之儀以香火院爲泰寧寺永
佑陵在昭慈殯宮西北五十步用地一百二十畝

得旨修建殿宇創置門鑰官設監守朝謁以時紹
興元年終南山上清太平宮道士訾全真等復持
太宗真宗御容自岐下祇宣撫使張忠獻忠獻即
遣使奉安于太祖之側四年宣撫副使吳武安
玠更自武興送仁宗英宗神宗御容至殿
奉安二十七年楊文安椿為兵部侍郎言於朝有
旨別加營繕始更為殿門外向二十九年乃成時
王時亨知府事請賜宮額及殿名不報淳熙中胡
長文入蜀始議即府之聖壽寺創殿以奉御容殿
宇甚華供奉之物亦復備乃復乞宮額于朝先是

華古齋鈔本

長文創雄邊軍數千人列營府治之側又言右室
學官聚川陝之士而每遇科舉皆歸試其鄉乞為
馬別立解額事未行議者因請今蜀已有大學及
殿前司獨欠景靈宮爾繇是格不下今春秋以府
通判朝謁用素饌道士讀祝文犹如終南之礼云
昭慈永佑殯宮議

國朝自宣祖葬河南之永安其後六聖皆祔
紹興元年昭慈聖獻皇后崩于越州遺詔權宜
擇地殯殯候軍事寧息歸葬園陵梓宮取周於身
以為他日迁奉之使于是權殯于會稽縣之上皇

兩贐宮歲用祠祭錢八千四百餘緡修繕錢五千
緡 顯仁皇后贐宮在 顯肅宮之西十九步二
贐宮舊未有禁地 顯仁既葬始立四隅以二十
里為禁城凡民皆立墓皆迂之永思陵亦在會稽
紹興末將營永阜陵趙子直以思陵之旁土薄水
淺議卜於臨安之中軍寨朱晦翁亦乞于近畿改
卜衆議不同復祔於會稽之域其後遂續建永崇
陵焉

山陵非宰相護送

永佑之權贐也宰相秦會之不欲行乃命信安孟

華古齋鈔本

王忠厚以樞密使為之及營思陵備置五使遂命
右相周益公掩贐宮從所請也時左相王季海以
母老患凶事故不欲行然陵成而王卒罷永阜之
役既命左相留仲至未葬而仲至遂罷右相趙子
直亦不欲行乃命少傅保寧軍節度使郭師禹為
總護使而命參知政事余處恭持節導梓宮既葬
師禹封永寧郡王子直遂得罪慶元末永宗陵將
復土右相謝子肅亦不行乃命平原韓王侂胄為
山陵非宰相護送遂為故事

成恭成穆慈懿恭淑四贐宮

神主祠堂以藏神貌用濮園故事也濮王祠堂并神主今寓紹興之報恩寺

永佑永獻喪制

徽宗初葬五國城後七年虜人乃以梓宮還行在梓宮將至上服黃袍乘輦詣臨平奉迎登舟易總服百官皆如之既至行在寓於龍德別宮以故待漏院為之在行宮南門外之東帝后異殿先是選人楊焯獻書于執政李光以梓宮可還真偽未辨左宣義即王之道亦貽書諫官曾統乞奉命大臣取神櫬之最下者斲而視之然後奉安既而

華古齋鈔本

禮官請用安陵故事梓宮入境即承之以柳有司預製冠冕輦衣以往至則納柳中不改斂欽宗之喪舉哀于天章閣南以學士院為几筵殿遙上陵曰永獻暨乾道中朝廷遣使求陵寢地虜人許以迂奉且并歸靖康梓宮朝廷難之虜人乃以禮陪葬於鞏縣云

建炎以來朝野雜記甲集卷之二

辛古齋鈔本

